

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3334 del 28/11/2024

Traduzione in ladino

Presidenza trentina de Arge Alp, fat fora i intervenc de endrez e de governance

[Ladino] Ai 25 de otober, canche l Cianton Tessin l ge à passà la presidenza de Arge Alp al Trentin, la Provinzia autonoma de Trent la se à tout su la encèria de programazion, endrez e gestion de l'atività istituzionèla de la Comunità de lurier de la regions Alpines enscin al passaje de presidenza al Land Vorarlberg, pervedù per la 56^a Conferenza di Capi de Govern, che la sarà a Trent a la fin de otober del 2025.

De gra a n provediment aproà ai 22 de november aldò de la proponeta del president Maurizio Fugatti, la Jonta provinzièla l'ha donca fat fora vèlch un aspet dintornvia la ativitèdes del an de presidenza, col se tor su l emegn a na vida ofizièla de lurèr fora l argument "Joegn e mont: projec de vita, de lurier, de impresa. Esperienzes de resilienza".

"Te n temp de gregn mudamenc per la arees alpines, tant dal pont de veduda ambientèl che demografich, volon valorisèr i projec de chi che vif e cern i teritories da mont, enche percheche la esperienzes spartides dai joegn coi etres conscric pel soscedèr enteres ti medemi", l ha dit Fugatti col sottrissèr coche l coordinament del Trentin su endesfides senestres e medemes che cheles de la regions de Arge Alp, che à carateristiche someantes una co l'otra, podarà contribuire a na vijion virtuosa de gestin del teritorie.

Dal 1972 inant la Provinzia autonoma de Trent fèsc pèrt de Arge Alp, Comunità de lurier de la Regions Alpines, che à l zil de contribuir a fèr fora i problemes che à enche la autres regions de la Èlpes te n raport de colaborazion. Fèsc pèrt de Arge Alp i Länder Vorarlberg, Tirol e Salzburg (Austria); l Stat de la Baviera (Germania); la Provinzie autonome de Busan e de Trent e la Region Lombardia (Tèlia); i Ciantons di Grijons, Son Gagl e Tessin (Svizra).

Descheche vegn pervedù dal Statut de ls Comunità, i membres de Arge Alp se passa la presidenza ogne an, col ge jir do al orden del alfabet.

Co la deliberazion aproèda ai 22 de november la Jonta, estra che stabilir l argument de la presidenza trentina, l ha enciarià l Servije Mendranzes linguistiche e relacions esternes de se cruzièr di adempimenc de endrez, amministratives e di conc de chest an; l Servije medemo se cruziarà, belapontin, de programèr, endrezèr e gestir la scontrèdes del Ofize de presidenza, de la Conferenza di capi de govern, del Comitad diretif, del Grop relacions publiche, di Gropes de projet, del Premie Arge Alp 2025 e de altra scomenzadives istituzionèles che vegnarà metù a jir enscin a de otober del 2025.

Per chel che vèrda i aspec de informazion e comunicazion, l provediment encèria l responsabol del Ofize Stampa de la Provinzia de se cruzièr del Pian de comunicazion del an de presidenza, tras l coordinament de la ativitèdes del Grop relacions publiche de Arge Alp.

Traduzion di Servijes Linguistics e Culturèl del Comun general de Fascia

(cdt)